

---

## ЁШ КАРАТЭЧИ ЮТУҒИ

Туманимиздаги 27-умумтаълим мактабида спортнинг каратэ WKF йўналиши бўйича тўгарак фаолият бошлаганига ҳали кўп вақт бўлгани йўқ.

Ҳамдамжон Бўстонов раҳбарлик қилаётган тўгарак аъзолари қўлга киритаётган ютуқлар эса мақтовга лойиқ. 30дан зиёд ўғил-қизлар туман, вилоят миқёсида ўтказилаётган турли мусобақаларда муносиб иштирок этишмоқда.

Тўгаракнинг ўз маҳоратини кўрсата олган 10 нафар аъзоси вилоят терма жамоаси таркибида 15-18 октябрь кунлари Тошкент шаҳридаги Универсал спорт саройида ўтказилган Ўзбекистон кубоги мусобақаларида муносиб иштирок этди. Улар машғулотларда ўрганаётганларини амалда қўллай олишди. 46-умумтаълим мактаби ўқувчиси, иқтидорли ёш каратэчи Жумақўзи Муҳаммадаминов 8-9 ёшлар ўртасидаги (30 килограммгача бўлган вазнда) Кумете баҳсларида муваффақиятли иштирок этиб, бронза медали ҳамда 3-даражали дипломни қўлга киритди.

Ж. Муҳаммадаминовни ғалаба билан муборакбод этиб, келгусидаги Ўзбекистон чемпионати мусобақаларида омад тилаймиз.

“Бувайда кўзгуси” мухбири.

2019-12-06 11:15:47